



Sabtu, 05 September 2020

Ogen: Jeremia 31:31-14



UNDANG-UNDANG E I BAS PUSUH



Lain generasi, lain ka situasina. Memang kerina paksa-paksa i bas doni enda labo lit si seri, emaka erbage-bage dengen pelain-lain nge pengalamen manusia nggeluh. Bagi i bas situasinta genduari paksa pandemic covid 19, situasi si bagenda rupa nai labo lit. Emaka i bas zamanta ka nge man hadapen si bagenda rupa. I bas zaman orang tuanta nai lain ka si man alankenna.

I tengah-tengah Bangsa Israel pe lain generasi, lain ka cara Dibata mereken pedah dengen pengajarenNa man bangsaNa e. Tangtangna ndube Dibata mereken perpadanen e alu nuratkenca i bas batu, tapi perpadanen si mbaru e itamakan Tuhan i bas pusuh bangsaNa. Gelah ku japape ia enggo lit undang-undang e i bas pusuhna. Alu bage nina Dibata "La lit perlu kalak ngajari temanna sebangsa guna nandai Tuhan....." Perbahanen Tuhan si melias, mahanca Bangsa Israel terus ku kesusureнна nandai Tuhan. Si jadi tanda i bas bangsa Israel nandai Tuhan lanai lit i bas ia gana-gana entah patung si man sembahen seakatan Tuhan ngenca. Kesetianna nerusken Tuhan teridah i bas penembahen si ratur, janah saph-saph ia lit keleng ate si tetap. Tep-tep keluarga tetap nuriken keleng ate ras perbahanen Dibata si mbelin man sinursurna, gelah kerina bangsa e nandai dengen nembah man Dibata saja.

Undang-undang si itamakan i bas pusuh Bangsa Israel epe genduari lit nge i bas pusuhna. Undang-undang e mabai kita nandai ise kin Dibata si isembah kita, meteh perbahanen kai si ngena ate Dibata. Undang-undang e mahanca kita setia er-Dibata, lanai kita nggit iajuk dibata-dibata doni enda. Adi orangtua ncidahkan kepatuhen erDibata dengen jadi usihen man kesusureнна, eme singena ate Dibata, gelah mulai anak



si kitik denga pe enggo naksiken kiniulin Tuhan i bas kegeluhenna.

 Ku tandai Dibata si ku sembah